

宋

史

新

編

宋史新編卷九

本紀九

明南京戶部主事莆田何維騏著

高宗上

高宗受命中興全功至德聖神武文昭仁憲孝皇帝諱
構字德基徽宗第九子也母賢妃韋氏是爲顯仁皇后
大觀元年五月二十一日生帝于東京大內八月授定
武軍節度使檢校太尉封蜀國公二年封廣平郡王爲
開府儀同三司政和三年進太保宣和三年封康王資
性朗悟博學強記日誦千餘言挽弓至一石五斗靖康
元年正月金人犯京師邀親王宰臣議和軍中欽宗召

帝諭指慷慨請行遂命少宰張邦昌與帝俱金帥幹離不留之旬日帝意氣閒暇二月會姚平仲夜襲金營金人見責邦昌恐懼涕泣帝不爲動幹离不疑其非親王更請肅王帝得還八月金人分兵復陷太原真定須帝再至乃議和十一月帝被命卽發京師爲敵人所沮汪伯彥以蠟書請帝還相州事具欽宗紀閏月帝同耿南仲募兵勤王欽宗遣人持蠟詔至相拜帝爲河北兵馬大元帥陳亨伯爲元帥汪伯彥宗澤副之十二月壬戌朔帝開大元帥府乙亥帝率兵離相州丁丑次大名府宗澤梁楊祖各以兵數千至張俊苗傅楊沂中田師中

皆在麾下兵威稍振會密詔金人議和可屯兵近甸毋輕動宗澤請直趨澶淵帝川汪伯彥等議趨東平

建炎元年春二月庚辰帝如濟州三月丁酉金人立張邦昌爲帝尋挾徽宗欽宗北去事具欽宗紀夏四月癸亥張邦昌尊哲宗廢后孟氏爲宋太后遣人訪帝于濟州丁卯謝克家以大宋受命之寶至濟州宗澤來言南京乃藝祖興王之地取四方中漕運尤易遂決意趨應天是夕張邦昌手書上延福宮太后尊號曰元祐皇后入居禁中自是垂簾聽政甲戌皇后手書告中外曰比以敵國興師都城失守祲纏宮闈旣二帝之蒙塵誣及

宗祀譖三靈之改卜衆恐中原之無統姓令舊弼以臨朝雖義形於色而以死爲辭然事迫於危而非權莫濟內以振黔首將亡之命外以紓鄰國見逼之威遂成九廟之安坐免一城之酷乃以衰癃之質起於閒廢之中迎置宮闈進加位號舉欽聖已還之典成靖康欲復之心求言運數之屯坐視邦家之覆撫躬獨在流涕何從緬惟藝祖之開基實自高穹之眷命歷年二百人不知兵傳序九君世無失德雖舉族有北轍之釁而敷天同左袒之心乃眷賢王越居近服已徇羣情之請俾膺神器之歸繇康邸之舊藩嗣宋朝之大統漢家之厄十世

宜光武之中興獻公之立九人惟重耳之尚在茲爲天
意夫豈人謀尚期中外之協心同定安危之至計庶臻
小憝用底不平爰敷告於多方其深明於吾意矣未帝
至應天府乙酉張邦昌至伏地慟哭請死帝慰撫之王
時雍等奉乘輿服御至羣臣勸進者益衆命築壇府門
之左五月庚寅朔帝登壇受命禮畢慟哭遙謝二帝卽
位于府治改元建炎大赦張邦昌及應于供奉金國之
人一切不問中外臣庶許直言雖詆訐亦不加罪蔡京
童貫朱勔李彥孟昌齡梁師成譚稹及其子孫更不收
放內外大臣限十日各舉布衣有材略者一人以黃潛

善爲中書侍郎汪伯彥同知樞密院事元祐皇后在東京是日撤簾辛卯遙尊乾龍皇帝爲孝慈淵聖皇帝尊元祐皇后爲元祐太后詔史官辨宣仁聖烈皇后誣謗壬辰張邦昌封同安郡王癸巳遙尊母賢妃韋氏爲宣和皇后遙立嘉國夫人邢氏爲皇后耿南仲罷提舉洞霄宮甲午以李綱爲尚書右僕射兼中書侍郎趣赴行在乙未以生日爲天申節馮澥罷知潼川府以呂好問爲尚書右丞命統制馬忠張換率兵趣河間追襲金人丁酉貶王時雍黃州安置己亥召太學生陳東赴行在庚子論靖康大臣誤國罪李邦彥吳敏蔡懋李楨宇文

虛中鄭望之李鄴並貶遠州安置丙午以誣謗宣仁聖
烈皇后追貶蔡確蔡卞邢恕蔡懋官以姚古知河南府
金人陷河中府權府事郝仲連死之庚戌以宗澤知襄
陽府丙辰罷監察御史張所尋責江州安置是月置御
營司命黃潛善兼御營使汪伯彥副之以王淵爲都統
制劉光世提舉一行事務韓世忠爲左軍統制張俊爲
前軍統制楊惟忠主管殿前公事西道總管王襄北道
總管趙野坐勤王稽緩連貶襄永州安置野邵州安置
簽書樞密院事張叔夜從徽宗北遷至界河死之六月
己未朔李綱至行在獻十議辛酉貶徐秉哲梅州安置

癸亥以黃潛善爲門下侍郎張邦昌坐僭逆貶潭州安置及受僞命臣僚王時雍吳升莫壽孫覲李擢並遠州安置顏博文王紹以下論罪有差甲子命李綱兼御營使賊李孝忠陷夔陽辛未以子萼生大赦還元祐黨籍及元符上書人恩數戊寅以汪伯彥知樞密院事遣傳勞使金軍通問二帝己卯置沿河沿淮沿江帥府別置水軍七十七將壬午以張慤同知樞密院事兼提舉措置戶部財用癸未呂好問罷知宣州乙酉以宗澤爲東京留守丙戌詔陝西河北京東西路募兵十萬人更番入衛行在丁亥以張所爲河北西路招撫使括買官民

馬勸出財助國戊子以錢蓋爲陝西經制使秋七月己丑以王瓊爲河東經制使庚寅詔王淵劉光世張俊喬仲福韓世忠分討陳州軍賊杜用京東賊李昱及黎驛魚臺潰兵皆平之辛丑復議吳行莫儻等十一人罪遠竄之壬寅詔奉元祐太后如東南六宮及衛士家屬從行朕當留中原與金人決戰以許翰爲尚書右丞甲辰諫議大夫宋齊愈坐立張邦昌斬都市丙午以范致虛知鄧州脩城池繕宮室儲錢穀以備巡幸丙辰上皇自燕山密遣閭門宣贊舍人曹勳至賜帝絹半臂書其領曰便可卽真來援父母帝泣以示輔臣是月關中盜史

武定興州僭稱帝八月戊午軍校陳通作亂于杭州壬
戌以李綱爲尚書左僕射兼門下侍郎黃潛善爲尚書
右僕射兼中書侍郎庚午更號元祐太后爲隆祐太后
辛未召河東經制副使傅亮還行在壬申召布衣譙定
赴行在癸酉耿南仲坐主和誤國貶南雄州安置乙亥
用張浚言罷李綱提舉洞霄宮壬午用黃潛善言殺上
書太學生陳東布衣歐陽澈乙酉許翰罷提舉洞霄宮
九月壬辰詔曰祖宗都汴垂二百年比年以來圖慮弗
臧禍生所忽肆朕纂承顧瞻宮室何以爲懷是用權時
之宜法古巡狩駐蹕近甸號召軍馬朕將親督六師以

援京城及河北河東諸路與之決戰歸宅故都迎還二
聖以稱朕夙夜憂勤之意庚子金人徙二帝居霽郡壬
寅以王圭代張所尋貳所廣南安置戍中都統制王彥
渡河擊金人破之復新興縣壬子張邦昌賜死併誅王
時雍乙卯王彥及金人戰敗績奔大行山其裨將岳飛
引部曲自爲一軍是秋建州軍校張貞等作亂軍賊趙
萬陷常州又陷鎮江府金人分兵據兩河州縣冬十月
丁巳朔帝登舟幸淮甸先是宗澤屢疏請還京爲黃潛
善汪伯彥所沮至是復疏請不聽己卯次楚州寶應縣
後軍將孫琦作亂丙戌王淵張俊誘趙萬等悉誅之十

一月戊子貶李綱鄆州居住真定軍賊張遇陷池州壬辰遣王倫等爲金國通問使丙午以張慤爲中書侍郎戊申以顏岐爲尚書左丞許景衡爲尚書右丞郭三益同知樞密院事十二月辛酉王淵入杭州執陳通誅之壬戌青州敗將王定作亂殺帥臣曾孝序甲戌金人聞帝幸揚州分兵南侵犯同州守臣鄭驥死之己卯金人陷汝州入西京庚辰金人陷華州辛巳金人破潼關經制使王瓊引兵遁入蜀是冬軍賊丁進犯壽春府已而詣宗澤降

二年春正月丙戌朔帝在揚州戊子金人陷鄆州安撫

使劉汲死之京西州郡既陷乙未金人破宋興軍前河
東經制副使傅亮以兵降經略使唐重等死之東平府
兵雋鈴轄孔彥舟叛渡淮犯黃州辛丑賊內侍邵成章
南雄州編管金人犯鄭州通判趙伯振死之辛亥王淵
招降張遇以所部萬人隸韓世忠是月金人陷潁昌府
殺守臣孫默二月丙辰金人再犯東京宗澤遣將閻中
立拒之戰死甲子金人犯滑州宗澤遣將張撝援之戰
死乙丑河北賊楊進等誼宗澤降已而澤復諭降河東
賊王善未幾俱叛癸酉金人陷蔡州執守臣閻孝忠丙
子金人陷淮寧府守臣向子韶死之丁丑遣王聰等充

金國軍前逼問使三月辛卯金人陷中山府丁酉金帥
黏罕焚西京去庚子河南統制翟進復西京是月金人
犯鳳翔府又犯涇原經略使曲端遣將吳玠擊敗之夏
四月丙辰詔文臣從官至牧守武臣管軍至遼郡各舉
所知二人戊午宗澤遣將趙世興復滑州庚申帝諭輔
臣曰故事自五月至八月罷講筵朕以寡昧履茲艱難
方夙夜孜孜於經史若如故事則累月當廢疑義無所
質朕欲勿罷可乎羣臣皆稱善於是詔勿罷經筵乙丑
金帥兀突復入西京尋棄去隴右都護張勗及金人戰
于五里坡敗績死之五

景衡罷舉洞霄宮

丙戌命參酌元祐科舉條制立歲賦經義分試法語在
選舉志戊子以朱勝非爲尚書右丞辛卯以金兵渡河
遣韓世忠宗澤等逆戰丙申復命辛文虛中充金國祈
請使虛中降金蔡邪中書侍郎張浚卒甲辰金帥婁宿
陷絳州己酉秀州卒徐明等作亂命張俊討平之因殺
前秀州守趙叔近是月以知延安府王庶節制陝西六
路軍馬涇原經略使曲端爲節制司都統制秋七月丙
戌東京留守宗澤卒辛丑以春霖夏旱蝗詔監司郡守
條上闕政州郡災甚者蠲田賦甲辰以杜充爲東京留
守八月甲寅初鑄御寶三甲戌殿中侍御史馬伸言黃

潛善汪伯彥罪詔罷仲尋貶監濮州酒稅河北京東提
殺使李成叛犯宿州是月金人徙二帝居韓州九月癸
巳金人犯冀州將官李政死之甲午金人再犯永興軍
辛丑陝西節制司丘官賀師範及金人戰于八公原死
之丁未東京留守統制官薛廣及金人戰于相州死之
己酉同知樞密院事郭三益卒冬十月甲子命孟忠厚
奉隆祐太后幸杭州是月翟進擊楊進于鳴臯山戰死
劉正彥擊于進降之十一月辛巳朔貶李綱萬安軍安
置壬辰金人陷延安府通判魏彥明死之乙未金人陷
濮州執守臣楊粹中不屈而死又陷開德府守臣王棟

死之以魏行可充金國軍前通問使壬寅冬至祀昊天
上帝于圜丘以太祖配大赦金人陷相州守臣趙不試
死之甲辰陷德州兵馬都監趙叔皎死之是月金人陷
晉寧軍守臣徐徽言拒却之知府州折可求以城降濱
州賊蓋進陷棣州守臣姜剛之死之建州賊葉濃降復
謀爲變張俊禽斬之吳玠襲誅史斌王淵殲京東降賊
李民之衆留民爲將十二月庚申金人陷東平府又陷
濟南府守臣劉豫以城降甲子金人陷大名府提點刑
獄郭永罵敵死之丙寅初命僕國史曰已以黃潛善爲
同左僕射兼門下侍郎汪伯彥爲尚書右僕射兼中

書侍郎顏岐門下侍郎朱勝非中書侍郎盧益同知樞密院事戊寅以禮部侍郎張浚兼御營參贊軍事是冬高麗遣使尹彥頤來報聘且謝過語在高麗傳是年工部侍郎兼侍講楊時罷提舉洞霄宮

三年春正月庚辰朔帝在揚州甲申以路允迪簽書樞密院事辛卯都統制邵興復虢州庚子張用王善寇淮寧府守臣馮長寧却之丙午金帥粘罕陷徐州守臣王復死之韓世忠軍潰于沐陽其將張遇戰死金兵執淮陽守臣李寛叔轉運使李跋以騎兵三千取彭城間道趨淮甸二月庚戌朔聽士民從便避兵劉正彥部兵衛

皇子六宮如杭州壬子帝被甲馳幸鎮江是日金兵過
楊子橋帝自貶大號致書金帥請存趙氏宗社粘罕答
書招使降於是撻靼兀术拔离速等分道南侵癸丑游
騎至瓜州禮官奉九廟神主行王淵請幸杭州以呂頤
浩爲江淮制置使劉光世充行在五軍制置使駐鎮江
府楊惟忠節制江東軍馬駐江寧府是夕發鎮江次呂
城鎮丙辰次平江府兀术追弗及乃還戊午次吳江縣
命朱勝非節制平江府秀州控扼軍馬張浚副之又命
勝非兼御營副使留王淵守平江用勝非計錄用張邦
昌親屬謝金人庚申呂頤浩拜同簽書樞密院事屯京

口命張俊守吳江壬戌駐蹕杭州卽州治爲行宮金人陷晉寧軍守臣徐徽言死之癸亥下詔罪已乙丑放還士大夫被竄斥者惟李綱罪在不赦更不放還蓋用黃潛善計以謝金人戊辰金人焚揚州而去己巳黃潛善汪伯彥竝以罪罷潛善知江寧府伯彥知杭州府以葉夢得爲尚書左丞張濬爲尚書右丞未幾夢得罷呂頤浩遣將陳彥復揚州三月己卯日中有黑子庚辰以朱勝非爲尚書右僕射兼中書侍郎以王淵同簽書樞密院事以呂頤浩爲江南東路安撫制置使知江寧府時扈从統制苗傅忿王淵驟得君劉正彥怨招降羣盜而

賞功薄帝在揚州閱營用事急病諸將多疾之乃是月癸未傅正彥叛勒兵向闕殺王淵及內侍康履以下百餘人迫帝遜位于皇子請隆祐太后臨朝是夕帝移御顯寧寺甲申命帝爲睿聖仁孝皇帝以顯寧寺爲睿聖宮大赦丁亥分竄內侍藍珪曾擇等于遠州苗傅追擇還殺之戊子以王孝迪爲中書侍郎盧益爲尚書左丞張浚呂頤浩及張俊劉光世韓世忠會兵勤王己丑改元明受張浚奏乞睿聖皇帝親總要務庚寅百官始朝睿聖宮苗傅等以御營中軍統制吳湛主管步軍司黃潛善汪伯彥並分司衡永州居住呂頤浩奏請睿聖皇

帝復尊位壬寅盧益罷癸卯呂頤浩張浚傳檄中外討
傳正彥丁未呂頤浩張浚次吳江復奏請建炎皇帝還
卽尊位朱勝非召傳正彥至都堂議復辟傳等遂朝睿
聖宮是月盜邵青掠泗州金人陷京東諸郡撻賴以劉
豫至東平府節制河南州郡趙立復徐州夏四月戊申
朔太后下詔還攻皇帝復尊位帝還宮與太后御前殿
垂簾詔尊太后爲隆祐皇太后庚戌復紀年建炎命張
浚知樞密院事苗傅劉正彥竝檢校少保呂頤浩張浚
敗賊將苗翊馬柔吉于臨平傳正彥引兵夜遁辛亥皇
太后撤簾呂頤浩等入見癸丑右相朱勝非及執政顏

岐王孝迪張濤路允迪俱罷以呂頤浩爲尚書右僕射
兼中書侍郎李邴爲尚書右丞鄭毅簽書樞密院事甲
寅劉光世韓世忠張俊及勤王所僚屬將佐進秩有差
斬中軍統制吳湛工部侍郎王世脩于市乙卯太赦舉
行仁宗法度應嘉祐條制與今不同者自官制役法外
資格從重條約從寬罷上供不急之物元祐石刻黨人
官職恩數追復未盡者令其家自陳許中外直言丁巳
禁內侍交通主兵官及干預朝政庚申重正三省官名
左右僕射並帶同中書門下平章事改門下中書侍郎
爲參知政事省尚書左右丞併省館學寺監等官以李

邴參知政事丁卯帝發杭州留鄭毅衡皇太后壬申立
子旼爲皇太子是月劉文舜寇濠州西北賊薛慶據高
郵軍五月戊寅朔帝次常州以張浚爲宣撫處置使以
川峽京西湖南北路隸之聽便宜黜陟辛巳次鎮江府
蔡未以滕康同簽書樞密院事乙酉至江寧府改府名
建康起復朝散郎洪皓爲金國通問使金人拘之丁亥
召內侍藍珪等速還朝辛丑張浚諭降薛慶于高郵還
復命知樞密院事是月韓世忠追獲劉正彥苗傅送行
在翟興擊殺楊進其黨復推劉可拒官軍六月己酉以
父丙求直言庚申皇太后至建康府辛酉以父陰下詔

以四失罪已一曰昧經邦之大略二曰昧戡難之遠圖
三曰無綏人之德四曰失馭臣之柄仍榜朝堂遍諭天
下使知朕悔過之意丁卯右司諫袁植請誅黃潛善及
失守者權邦彥等九人詔朕方念咎責已豈可盡以過
失歸於臣下植雖敢言然導朕殺人此非美事遂罷植
知池州以趙鼎代之乙亥京西賊貴仲正降是月金人
大舉入寇陷磁州秋七月辛巳苗傅劉正彥伏誅甲申
詔以苗劉之變當軸大臣不能身衛社稷朱勝非顏岐
路允迪並落職張澂衡州居住丁亥皇太子寗薨戊子
簽書樞密院事鄭毅卒己丑以王綯參知政事周望同

簽書樞密院事辛卯帝將定都杭州升爲臨安府壬辰
御營司提舉范瓊坐靖康助逆賜死子弟皆流嶺南乙
未遣謝亮使夏國丁酉遣崔縱使金軍前王寅命李邴
滕康權知三省樞密院事扈從太后如洪州以杜充同
知樞密院事乙巳山東盜郭仲威陷淮陽軍八月庚戌
李邴罷壬子以劉珏權同知三省樞密院事丁卯遣杜
時亮使金軍前閏月己丑以呂頤浩爲尚書左僕射杜
充爲尚書右僕射並同中書門下平章事庚寅起居郎
胡寅上書言二十事呂頤浩不悅罷之辛卯命杜充兼
江淮宣撫使守建康前軍統制王瓊隸之韓世忠爲浙

西制置使守鎮江劉光世爲江東宣撫使守太平池州
皆受充節制九月丙午朔日有食之壬子金人陷單州
興仁府遂陷南京癸丑以張守同簽書樞密院事以周
望總兵守平江命劉光世移屯江州丙辰遣張邵充金
國軍前通問使金人囚之張浚承制罷知潭州辛炳起
復直龍圖閣向子諲代之甲戌金帥婁宿犯長安冬十
月癸未帝至臨安復如越州辛卯李成陷滁州殺守臣
向子攸戊戌張浚治兵于興元府以圖中原庚子金人
陷黃州守臣趙令峩死之辛丑金人自黃州濟江劉光
世引軍遁江州陷金人趨洪州是月京西賊劉滿陷信

陽軍殺守臣趙上負，月戊申金帥兀术犯和州守臣李傳以城降鈴轄守昌祐通判唐環等死之己酉兀术犯無爲軍壬子太后退保虔州丁巳金人犯臨江軍戊午遣孫悟等充金國軍前致書使金人陷洪州權知州事李積中以城降撫袁二州守臣王仲山王仲巖皆降庚申金人陷真州辛酉太后至吉州壬戌金人陷建康府溧水縣尉潘振死之癸亥金人陷太平州甲子杜充遣都統制陳淬岳飛等及金人戰于馬家渡王瓊先遁卒敗績死之乙丑太后如太和縣護衛統制杜彥及後軍楊世雄率衆叛犯永豐縣知縣事趙訓之死之金

人至太和縣太后自萬安陸行如虔州丁卯詔曰國家遭金人侵逼無歲無兵朕纂承以來深軫念慮謂父兄在難而吾民未撫不欲使之陷於鋒鏑故包羞忍恥爲退避之謀冀其逞志而歸稍得休息自南京移淮甸自淮甸移建康而會稽播遷之遠極于海隅卑詞厚禮使介相望以至願去尊稱甘心貶屈請用正朔比於藩臣遣使哀祈無不曲盡假使金石無情亦當少動累年卑屈卒未見從生民嗷嗷何時寧息今諸路之兵聚於江浙之間朕不憚親行據其要害如金人尚容朕爲汝兵民之主則朕於事大之禮敢有不恭或必用兵窺我行

在傾我宗社塗炭生靈竭取東西金帛子女則朕亦何愛一身不臨行陣以踐前言以保羣生朕已取十一月二十五日移蹕前去浙西爲迎敵計惟我將士人民念國家涵養之恩二聖拘縻之辱悼殺戮殘焚之禍與東子待斃曷若并計合謀同心戮力奮勵而前以存國家是日金人陷吉州又陷六安軍己巳帝發越州庚午復還越州以周望同知樞密院事范宗尹參知政事辛未金人至建康府宣撫使杜充叛降通判楊邦乂不屈死之帝如明州淮西兵馬都監王宗望以濠州降于金是月淮賊劉忠入舒州殺通判孫知微盜桑仲自唐州

犯襄陽據之十二月丙子帝至明州丁丑江淮宣撫司
準備將戚方叛犯鎮江府殺守臣胡唐老辛巳金人陷
常州又陷廣德軍守臣周烈死之壬午定議航海避兵
甲申張浚承制拜曲端爲威武大將軍宣撫處置使司
都統制乙酉兀术犯臨安府守臣康允之棄城遁錢塘
縣令朱蹕死之己丑帝乘樓船次定海縣乙未杜彥犯
潭州殺通判孟彥卿趙民彥金人屠洪州戊戌金人犯
越州安撫使李鄴以城降衛士唐琦死之庚子帝移幸
溫台是歲占城來貢高麗亦來貢詔却其使

四年春正月甲辰朔帝舟居于海丁巳金帥婁宿犯陝

州守臣李彥仙死之已未金人陷明州乘勝破定海以舟師來襲御舟張公裕以大舶擊退之丁卯京西賊劉可敗其黨復推劉超據荊門軍戊辰勝康劉珏罷仍奪職二月甲戌朔河北盜酈瓊率衆詣劉光世降叛將傅選詣處州降乙亥奉安祖宗神御于福州以盧益李回竝權知三省樞密院事金人陷潭州將吏王疎劉介趙聿之戰死守臣向子諲棄門亡去金兵大掠屠其城丁亥金人自臨安引兵北還陷汴京丙申張浚承制以陝西制置使王似知成都府金游騎至平江周望棄軍奔太湖守臣湯野亦遁兀术入城縱火焚掠死者五十萬

人辛丑鼎州民鍾相作亂自稱楚王陷澧州殺守臣黃宗權湖北制置使傅雱招降孔彥舟以爲湖南北捉殺使三月甲寅遣盧益等奉迎太后于虔州丁巳金帥兀术至鎮江府韓世忠屯金山寺邀擊之辛酉御舟發溫州御營前軍將楊勍叛甲子張浚請便宜辟官不許衝改戊辰孔彥舟擒鍾相及其子子昂檻送行在誅之己巳戚方陷廣德軍殺通判王儔等夏四月戊寅吳玠及金帥婁室戰于邠州彭原店敗績部將楊威死之癸未帝還越州甲申下詔親征巡幸浙西韓世忠駐軍楊子江要金人歸路屢敗之兀术引軍走建康丙申以御史

中丞趙鼎劾奏罷呂頤浩爲醴泉觀使韓世忠及兀术再戰江中全人乘風縱火世忠敗績兀术渡江屯六合縣巴亥以張浚爲浙西江東制置使是月王德破信州妖賊王宗石又誅劉文舜于饒州諸縣悉平金人犯江西者聞兀术北還亦自荊門引去留守司統制牛臯潛軍寶豐擊敗之五月甲辰以范宗尹爲尚書右僕射兼御營使壬子金人焚建康府執李梲陳邦光而去淮南宣撫司統制岳飛邀擊于靜安鎮敗之癸丑詔臺諫等官各舉所知二人以張守參知政事趙鼎簽書樞密院事乙卯王綱罷奉祠甲子周望罷奉祠尋分司衡州居

住乙丑置京湖淮南諸路鎮撫使以翟興孟汝趙立劉
位趙霖李成吳翊李彥先薛慶分領之是月淮西敗將
崔增陷焦湖水砦六月辛未朔詔侍從臺諫諸將集議
駐蹕事宜甲戌罷御營司以范宗尹兼知樞密院事庚
辰復置鎮撫使六人以陳規解潛程昌寓陳求道范之
才馮長寧分領之丙戌戚方詣張俊降以郭仲威爲真
揚州鎮撫使乙未郭仲威復叛犯鎮江府是月兀术聞
張浚在秦州將舉兵北伐自六合引兵趨陝西秋七月
癸卯劉光世援宣撫使例乞便宜行事不許詔軍興以
來諸州得便宜指揮者並罷戊申以孔彥舟爲辰沅靖

州鎮撫使乙卯金人徙二帝居五國城庚申以岳飛爲
通泰州鎮撫使辛酉建州民范汝爲作亂丁卯金人立
劉豫爲齊帝是月張浚遣將復陝西州軍張用降八月
辛未朔以謝克家參知政事壬申李成請降于江州詔
撫納之庚辰承州天長保寧鎮撫使薛慶及金人戰于
揚州城下死之癸未盧益罷丙戌命李成吳翊捍禦上
流翊棄城去戊戌范宗尹請官桑仲以爲襄陽等州鎮
撫使九月甲辰太上皇后鄭氏崩于五國城戊申劉豫
僭位于北京乙卯桑仲陷均房州丙辰金人攻楚州鎮
撫使趙立死之丁巳李成復叛遣馬進犯興國軍戊午

荆襄賊趙延壽犯德安府陳規拒却之癸亥張浚遣將
劉錫統五路兵及金將婁室戰于富平縣敗績戊辰金
人陷楚州鎮撫使李彥光來援兵敗死之冬十月庚午
朔張浚以富平兵敗斬環慶經略使趙哲于邠州貶劉
錫安置合州命諸將各領兵歸本路浚退保秦州陝西
大震辛未秦檜自金將撻懶軍中歸丁亥以李回同知
樞密院事是月馮長寧叛以城附劉豫江東賊張琪犯
建康府虔州賊李敦仁及弟世雄破石城縣鍾相王善
餘黨楊華祝友復作亂十一月癸卯呂頤浩復南康軍
甲辰趙鼎罷奉祠丁未以富直柔簽書樞密院事以秦

檜爲禮部尚書壬子日南至帝率羣臣遙拜二帝丁巳
王彥攻桑仲于黃水破之房州平張浚承制以王彥爲
金均房州鎮撫使是月張浚退軍興州遣吳玠收餘兵
保大散關東和尚原崔增以兵萬餘詣呂頤浩降十二
月甲午金人再陷熙州總管劉惟輔被執死之丁酉范
汝爲降未幾復叛是月交趾請入貢却之是年張浚罷
曲端都統制連敗萬州安置量移興州

紹興元年春正月己亥朔帝在越州下詔改元赦帥百
官遙拜二帝自是歲如之戊申以羣盜據湖南命張浚
爲江淮路招討使岳飛副之辛亥謝克家罷提舉洞霄

宮辛酉詔太祖創業垂統德被萬世神宗詔封子孫一
人爲安定郡王世世勿絕自宣和末至今未舉有司其
上應襲封人名依故事舉行是月張浚量移曲端恭州
居住二月辛巳以秦檜參知政事三月丙午孔彥舟復
叛焚掠潭州趨衡州夏四月庚辰皇太后孟氏崩是月
京西賊李忠陷商州五月戊戌以張用爲舒蘄鎮撫使
癸卯作大宋中興寶成金人犯和尚原吳玠擊敗之丙
午初復召試館職之制劉光世遣將王德襲揚州執郭
仲威以獻伏誅壬戌邵青圍太平州劉光世招降之趙
延壽據分寧縣呂頤浩招降之是月張俊及李成戰于

黃梅縣殺馬進成敗遁歸劉豫張用復叛寇江西岳飛招降之六月壬午權欒昭慈獻烈孟皇后于越州是月邵青復叛犯江陰軍廣賊鄧慶龔富南安賊吳忠宋破壇劉洞天並作亂張浚承制以吳玠爲陝西諸路都統制時關龍六路盡陷止餘階成岷鳳洮五郡鳳翔之和尚原隴州之方山原粘罕既得陝西地悉與僞齊秋七月丙午撻懶自宿遷北歸癸亥范宗尹罷提舉洞霄宮是月虔州賊陳顥作亂八月丙寅以孔彥舟爲斬黃鎮撫使丁卯張浚殺曲端于恭州獄戊辰參知政事張守等上紹興重修敕令格式戊寅張守寵提舉洞霄宮以

李回參知政事富直柔同知樞密院事丁亥以秦權爲
尚書右僕射同中書門下平章事兼知樞密院事是月
下詔追贈程頤直龍圖閣其略曰周衰聖人之道不得
其傳世之學者其欲聞仁義道德之說孰從而求之抑
孰從而聽之爾頤潛心大業高明自得之學可信不疑
而浮僞之徒自知學問文采不足表見於世乃竊借名
以自售外示恬默中實奔競使天下之士聞其風而疾
之是重不幸焉朕所以振耀褒顯之者以明上之所與
在此而不在他也九月辛亥大饗明堂太祖太宗並配
大赦錄用元符上書人子孫癸丑復以呂頤浩爲尚書

左僕射同中書門下平章事兼知樞密院事是秋知鄂
州曹成掠湖西犯沅州與知復州李宏合屯瀏陽旣而
攻宏宏奔潭州冬十月乙丑李回罷知洪州己巳王德
復招邵青降之庚午以孟庾參知政事癸酉兀术攻和
尚原吳玠及弟璘力戰大敗之兀术僅以身免己丑升
越州爲紹興府十一月丙申遣內侍撫問孔彥舟桑仲
丁酉榜諭福建江東羣盜赦其脅從者戊戌詔移蹕臨
安以孟庾爲福建江西荆湖宣撫使韓世忠副之辛丑
詔續編紹興太常因革禮庚戌富直柔罷提舉洞霄宮
十二月戊寅以彗出求直言己丑起復吳玠爲鎮西軍

節度使是歲吳玠始遣人通書夏國淮南京東西饑振流氏

二年春正月癸巳朔帝在紹興府甲午詔復賢良方正直言極諫科辛丑韓世忠拔建州范汝爲自焚死餘黨悉平丙午帝至臨安府詔蠲臨安諸縣民逋負罷行在脩造辛酉江西副總管楊惟忠以楊勍雖就招安復謀作亂誘誅之二月甲子降盜楊華復叛授鼎澧潭三州庚午以李綱爲湖廣宣撫使仍命岳飛等共討曹成諸盜丁丑分崔增李捧邵青趙延壽李振單德忠徐文所部兵爲七將名御前忠銳軍隸步軍司非樞密奉旨不

許調遣是月知商州董先叛入劉豫三月壬辰朔再貶
徐秉哲惠州吳升南雄州莫壽韶州竝居住戊戌以李
光爲江東安撫大使兼除濠等六州宣撫使庚子金人
攻方山原統制楊政拒退之辛丑又犯隴安縣吳璘等
擊走之是月水賊翟進陷漢陽軍殺守臣趙令幾桑仲
請合諸鎮兵復中原郢州守將霍明疑有逆謀襲殺仲
其將李橫擊走明夏四月庚午以翟汝文參知政事壬
午詔內外侍從監司守臣各舉中原流寓士大夫以備
任使癸未詔曰朕登庸二相倚遇惟均其所薦用之人
不得偏私離間朋比害政戊子命呂頤浩都督江淮荆

浙諸軍事庚寅劉豫徙居汴京是月王彥破董先復商
州閏月乙卯宣撫使劉光世父喪起復五月辛酉以權
邦彥簽書樞密院事甲子詔觀察使已上各薦可備將
帥者二人辛未選宗室子伯琮育宮中丙子呂頤浩總
師至常州部將趙延壽兵叛于呂城鎮頤浩稱疾不進
尋召還甲申親慮囚自是歲如之丙戌置脩政局命秦
檜提舉詔侍從以下暨監司守令條具省費裕國彊兵
息民之策戊子手詔用建隆故事命百官日輪一人轉
對兩浙轉運副使徐康國獻銷金屏障毀之奪其二官
是月韓世忠招曹成降之六月辛丑以李橫爲襄郢鎮

無使壬寅參知政事翟汝文致仕孔彥舟叛降爲齊是
月頒責庭堅所書戒石銘于州縣秋八月壬辰以孟庚
乘權同都督江淮荆浙諸軍事甲午禁買花木珍禽臨
安諸門不得放入戊戌召朱勝非提舉醴泉觀兼侍讀
戊申給事中胡安國以論朱勝非罷宰執臺諫疏留不
報甲寅秦檜罷提舉江州太平觀給事中程瑀等二十
餘人坐論駁朱勝非疑其黨檜竝落職奉祠是夕彗出
胃九月戊午朔落秦檜職罷脩政局辛酉以彗出大赦
求直言壬戌王倫使金還復遣潘致堯等爲金國軍前
通問使附茶藥金幣進兩宮乙丑復以朱勝非爲尚書

右僕射同中書門下平章事兼知樞密院事丙戌以王
似爲川陝宣撫處置副使是月韓世忠遣將解元大破
劉忠于蘄陽忠奔劉豫冬十月甲辰潘致堯至楚州通
判州事劉晏劫其禮幣奔劉豫守臣柴春戰死十一月
甲戌命李綱劉洪道程昌寓解潛會兵討湖寇楊太戊
寅范汝爲餘黨范忠復作亂是月馬友黨步諒詣李綱
降綱入潭州其黨郝政降王進吳筠禽之凌湖南盜悉
平十二月甲午李綱罷提舉崇福宮甲辰召張浚還仍
知樞密院以盧法原爲川陝宣撫處置副使及王似同
治司事是冬金人犯和尚原將士乏食自潰吳璘夜拔

砦棄去虔賊謝達犯惠州臨安連少彥被災家是歲封
李乾德子陽煥爲交趾郡王高麗來貢

三年春正月丁巳朔帝在臨安府甲子李橫復頬昌府
乙丑金人陷金州王彥焚積聚退保西鄉辛未造渾天
儀庚辰詔春秋望祭諸陵二月己丑簽書樞密院事權
邦彥卒辛卯王彥引兵會吳玠于饒風關金人分兵攻
之關破師潰四川大震己亥金帥撒離曷入興元府經
略使劉子羽走三泉縣吳玠退屯仙人關尋合兵擊破
之庚子以宗子伯琮爲和州防禦使賜名瑗尋改貴州
辛亥以席益參知政事徐俯簽書樞密院事三月甲子

李橫傳檄諸軍收復東京已而金兵援劉豫橫敗走頴
昌復陷夏四月辛亥水軍統制徐文叛奔僞齊是月湖
寇楊太僧稱大聖天王立鍾相少子子儀爲太子荆南
統制羅廣率兵至鼎州不克討而還五月壬戌潘致堯
使金還言金人欲重臣通使以取信遂寢出師之議丁
卯以韓肖胄同簽書樞密院事是日遣肖胄等充金國
軍前通問使乙亥與金人議和禁邊兵犯齊境丙子王
彥復金州金兵棄均房去己卯詔周隨亨李愿宣押王
似盧法原至閬州張浚始解使事庚辰詔李橫等收軍
還鎮辛巳罷宣撫司便宜黜陟六月甲午命王瓊率諸

軍討楊太丁未置國子監及博士弟子員己酉岳飛平
虔廣羣盜自虔州班師秋七月己未復置博學宏詞科
癸酉宰相呂頤浩等以旱乞罷政帝賜詔曰與其去位
曷若同寅協恭交脩不逮思所以克厭天心者頤浩等
乃視事乙亥右僕射朱勝非母喪起復九月戊午呂頤
浩罷提舉洞霄宮乙亥以劉光世爲江東宣撫使置司
池州韓世忠爲淮南東路宣撫使置司鎮江王瓊爲荆
南制置使置司郢州岳飛爲江南西路制置使置司江
州冬十一月己未以王倫爲都督府參議官癸亥崔增
吳全遇湖賊于陽武口死之甲子韓肖胄等使金還乙

亥復元祐十科舉士法是冬臨安屢火僞齊兵陷襄陽
又陷郢州李橫等棄城去南丹州鑾莫公巖廬觀州焚
寶戚監殺知監陳烈大理求入貢及售馬詔却之

四年春正月辛亥朔帝在臨安府乙卯遣章誼等爲金
國通問使己卯韓肖胄罷提舉洞霄宮二月癸未席益
罷提舉江州太平觀乙酉以徐俯兼參知政事己亥詔
三衙管軍及將帥觀察使以上舉忠勇知略可自代者
一人三月辛亥朔吳玠率楊政吳璘田晟王喜諸將與
兀术戰于仙人關大敗之兀术遁去戊午以趙鼎參知
政事壬戌召孟庾還罷都督府以其兵屬張俊乙丑張

浚至行在連貶浚提舉洞霄宮福州居住夏四月癸未
劉子羽貶白州安置丙戌吳玠復鳳秦隴三州甲午制
置使關師古叛以洮岷二州降僞齊吳玠弁將師古軍
丙午徐俯罷提舉洞霄宮五月庚戌朔以岳飛兼黃復
二州漢陽軍德安府制置使癸丑以范冲直史館重修
神宗哲宗正史實錄甲寅岳飛復郢州丙寅李成棄襄
陽遁岳飛復取之丙子復選宗室子伯玖育宮中六月
岳飛遣將牛臯復隨州秋七月戊申朔以胡松年簽書
樞密院事壬戌岳飛遣將王貴張憲復鄧州己巳湖賊
萬餘人詣鼎澧二州降庚午王貴張憲復唐州及信陽

軍襄漢悉平八月庚辰以趙鼎知樞密院事充川陝宣撫處置使戊子改命趙鼎都督川陝荆襄諸軍事乙未遣魏良臣等爲金國通問使丙申毀王安石舒王告王寅王似罷是月王瓊坐討賊無功貶以岳飛爲湖北荊襄潭州制置使討湖賊九月辛酉大饗明堂用皇祐典禮諸神配祀大赦庚午朱勝非罷提舉洞霄宮劉豫遣子麟合金兵自淮陽分道入寇癸酉以趙鼎爲尚書右僕射同中書門下平章事兼知樞密院事沈與求參知政事冬十月丙子朔與趙鼎定策親征癸未召張浚提舉萬壽觀兼侍讀戊子韓世忠邀擊金人于大儀鎮敗

之又遣將董敗之于天長縣鴉口橋己丑金人攻承
州韓世忠遣將成閔解元合擊于北門敗之丙申命後
宮自溫州泛海如泉州戊戌帝御舟發臨安劉錫楊沂
中以禁兵扈從壬寅帝次平江加贈陳東歐陽澈官其
子孫賜田各十頃且追咎汪伯彥奪其官黃潛善更不
追復十一月壬子下詔聲劉豫逆罪以厲六師吳玠遣
將楊從儀等敗金人于臘家城乙卯韓世忠遣兵夜劫
金營于承州破之已未復命張浚知樞密院事以其盡
忠竭節詔諭中外癸亥劉光世遣將王德擊金人于滁
州之桑根敗之己巳劉光世遣將王師冕等襲金人于

南壽春府敗之執爲齊知府王靖詔張浚視師江上二月壬辰金齊兵逼廬州岳飛遣將徐慶牛皋敗走之劉光世遣將斬賚戰于慎縣張俊遣將張宗顏敗之于六合庚子金人退師僞齊兵亦遁是歲命吳玠通信夏國保靜州夷人來貢

五年春正月乙巳朔日有食之帝在平江府己酉詔羣臣各條上攻戰備禦措置綏懷之策辛亥召張浚還壬戌以韓世忠爲淮東宣撫使駐鎮江劉光世爲淮西宣撫使駐太平張俊爲江東宣撫使駐建康己巳金主吳乞買卒兄之孫亶立壬申以劉光世韓世忠有隙賜酒

諭釋之皆感激奉詔二月壬午帝還臨安丙戌以趙鼎爲尚書左僕射張浚爲尚書右僕射竝同中書門下平章事兼知樞密院事都督諸路軍馬丁亥吳璘楊政拔秦州己丑建太廟于臨安是月僞齊商元寇信陽軍守臣舒繼明被禽死之閏月丁未胡松年罷提舉洞霄宮丁卯王瓊罷尋貶之三月乙未初榷鉛錫張浚視師潭州夏四月丁未召解潛還諸州鎮撫使至是罷弗置壬子訪柴氏後襲封崇義公甲子太上皇帝崩于五國城五月辛巳遣何蘚等使金通問二帝己丑以孟庾知樞密院事戊戌進封瑗建國公以徽猷閣待制范沖兼資

善堂翊善起居郎朱震兼譜讀辛丑命川峽訪求元祐
黨人子孫六月乙巳班統元曆是月湖賊楊欽全琮劉
詭相繼率衆詣岳飛降已而飛急攻湖賊水砦賊將陳
瑫降楊太赴水死餘黨劉衡等皆降飛急擊夏誠斬之
湖湘平得戶二萬七千悉遺歸業戊午減福建貢茶歲
額之半秋七月戊寅越張浚還朝己卯孟庾罷知紹興
府甲午韓世忠復鎮淮軍八月己未下詔暴章惇蔡卞
詆誣宣仁聖烈皇后罪追貶惇昭化軍節度副使卞單
州團練副使子孫不許在朝冬十月乙卯以席益爲四
川制置大使李綱爲江西制置大使呂頤浩爲湖南制

置大使十一月丙戌命張浚視師荆襄川陝十二月己亥朔以岳飛爲荆湖南北襄陽府路蘄黃州招討使楊沂中摺主管殿前司僕統神武中軍

宋史新編卷十

本紀十

明南京戶部主事莆田柯維騏著

高宗

下

六年春正月壬午賜宗子伯玖名璣爲和州防禦使二月庚子興營田甲寅以折彥質簽書樞密院事癸亥沈與求罷知明州是月張浚至江上會諸將議事命張浚進屯盱眙夏四月甲辰僞齊兵陷唐州團練判官胡舉臣推官張從之等死之丙午岳飛母喪去官詔起復六月乙巳朔夜地震己酉求直言甲寅張浚撫淮上諸屯命劉光世進屯廬州岳飛進屯襄陽楊沂中屯泗州秋

七月劉光世復壽春府八月庚子吏部員外郎陳公輔言今日之禍實王安石邪說所致帝喜授左司諫賜二品服甲辰詔親征劉豫是月岳飛及僞齊李成孔彥舟連戰至蔡州京之九月丙寅朔帝發臨安岳飛復虢州盧氏縣癸酉帝次平江壬午岳飛以孤軍無援還鄂州是月劉豫求援于金主不許豫起兵三十萬命子麟姪俛分道入寇冬十月丁酉劉麟寇淮西張浚遣楊沂中張宗顏等分兵禦之甲辰楊沂中大敗劉猊于藕塘猊遁麟在順昌聞之拔砦去孔彥舟亦解光州圍而去十二月甲午朔張浚入見請幸建康趙鼎請還臨安戊戌

韓世忠攻淮陽軍及金人戰敗之壬寅趙鼎罷知紹興
府丙午折彥質罷辛亥以張守參知政事己未左司諫
陳公輔乞禁程氏學詔士大夫之學宜以孔孟爲師庶
幾言行相稱可濟時用是歲江湖福建浙東饑振之
七年春正月癸亥朔帝在平江府詔移蹕建康癸未以
陳與義參知政事沈與求同知樞密院事乙酉復置樞
密使副等員以張浚兼樞密使丁亥以秦檜爲樞密使
何蘚范寧之使金還始聞上皇及寧德皇后鄭氏崩服
制見禮志二月癸巳朔日有食之庚子遣王倫等使金
迎奉梓宮丙辰果州守臣宇文彬等進禾登九穗圖俱

奪一官罷之三月丁卯以呂祉爲兵部尚書都督府參謀軍事辛未帝至建康癸酉岳飛乞併統淮西兵以復京畿陝右許之命飛盡護王德諸將軍旣而秦檜等以合兵爲疑事遂寢戊寅以沈與求知樞密院事己卯下詔略曰宣和皇后夙擁慶羨是生眇冲迺骨肉之至親偕父兄而時邁十年地阻懷陟屹飢風之思萬里使還奉上皇寧德之諱宜尊爲皇太后令所司擇日奉上冊寶甲申劉光世罷爲萬壽觀使以其兵隸都督府張浚因分爲六軍命呂祉節制夏四月戊戌脩濬建康城池丁未岳飛乞解官持餘服遂棄車還廬山詔不許庚戌

以張浚累陳岳飛積慮專在僨兵奏牘求去意在要君
遂命張宗元監其軍五月乙酉命侍從官通舉材堪知
縣者二十人六月丁酉岳飛引過自効詔放罪慰諭之
乙巳知樞密院事沈與求卒丙辰岳飛復職秋七月戊
辰詔侍從各舉堪任監司郡守者一二人八月乙未命
鄜瓊率兵赴行在瓊尋叛以兵四萬人奔劉豫殺張景
呂祉趙康直九月壬申張浚罷提舉江州太平觀癸酉
罷都督府甲戌以臺諫累疏落張浚觀文殿大學士仍
領祠丙子以趙鼎爲尚書左僕射同中書門下平章事
兼樞密使辛巳大饗明堂大赦冬十月丁酉夜赦張浚

安置嶺表明日以趙鼎累請浚母老改永州居住閏月丙寅徵涪州處士尹焞至命爲祕書郎兼崇政殿說書是月張俊棄貳還建康十一月丁未金人執劉豫廢爲蜀王癸丑詔來春復幸浙西十二月癸未王倫等使金還言金國許還梓宮及皇太后又許還河南諸州丁亥復遣王倫等奉迎梓宮是歲京西湖北饑振之

八年春正月戊子朔帝在建康府戊戌張守罷知婺州二月壬戌岳飛乞增兵不許丙寅以胡安國春秋傳成書進寶文閣直學士戊寅帝還臨安三月庚寅以劉大中參知政事王庶爲樞密副使壬辰以秦檜爲尚書右

僕射同中書門下平章事兼樞密使甲午陳與義罷知
湖州己亥封李陽煥子天祚爲交趾郡王夏五月壬寅
貶劉子羽漳州安置丁未金人遣使與王倫等偕來六
月壬戌賜衍聖公孔玠衢州田奉先聖祠事秋七月乙
酉朔復命王倫及藍公佐奉迎梓宮辛亥彗出東方冬
十月丁巳劉大中罷知處州甲戌趙鼎罷知紹興府丁
丑金人遣張通古蕭哲與王倫偕來曰江南詔諭使十
一月甲申以孫近參知政事辛丑詔金國遣使入境欲
朕屈已就和命侍從臺諫詳思條奏從官張壽晏敦復
魏矼曾開李彌遜尹焞梁汝嘉樓炤蘇符薛徽言御史

方廷實皆言不可甲辰王庶以沮和議罷知潭州辛亥
樞密院編修官胡銓上書請斬王倫秦檜孫近貶昭州
編管十二月己未以李光參知政事戊辰王倫言金使
稱詔諭江南其名不正秦檜以未見國書疑爲封冊帝
曰朕嗣守祖宗基業豈受金人封冊癸酉館職胡珵朱
松張擴凌景夏常明范如圭上書極論不可和甲戌以
韓肖胄簽書樞密院事丁丑詔金國使來盡割河南陝
西故地通好于我許還梓宮及母兄親族餘無需索令
尚書省榜諭庚辰帝不御殿以方居諒陰難行上禮命
秦檜攝冢宰受金使書以進是歲始定都于杭

九年春正月壬午朔帝在臨安府丙戌以金人通和大
赦河南新復州軍以王倫同簽書樞密院事戊子遣判
大宗正事士彊兵部侍郎張壽誥河南修奉陵寢二月
丁亥進封豫崇國公丙申王倫爲東京留守受地于金
帥兀术得東西南三京壽春宿亳曹單州及陝西京西
之地兀术還燕辛丑以樓炤簽書樞密院事是春夏入
陷府州夏五月丙午鄜延副將李世輔自夏國率所部
三千人來歸賜名顯忠六月庚戌皇后邢氏崩于五國
城辛亥夏主乾順卒子仁孝立以其屬於金自是廢封
冊癸酉澧州推官韓紳坐上書排和議循州編管乙亥

王倫使金議事金帥兀术以撻懶主和有陰謀告金主
遂拘倫于中山秋八月庚午遣蘇符等使金賀正旦冬
十月辛亥王倫見金王拘于河間遣其副藍公佐先歸
甲戌日中有黑子建炎三年至此凡九見十二月甲寅
命續編紹興因革禮甲子李光罷知紹興府改奉祠戊
辰兀术詔蘇符等于東京謀復取河南

十年春三月丙申蘇符自東京還是月命胡世將與夏
人議入貢夏人不報夏四月癸亥命部使者歲舉廉吏
一人壬申韓肖胄罷知紹興府五月己卯金人叛盟兀
术等分四道來侵乙酉金人入東京留守孟庾降河南

諸州皆降丙戌金人陷拱州守臣王慥死之搬離曷趨
永興軍陝西諸州皆降丁亥金人陷南京留守路允迪
己丑金人陷西京留守李利用棄城遁矣已知亳州
彥先叛降于金金人陷永興軍趨鳳翔丁酉以福建
廣東盜起命兩路監司共討之己亥以劉光世爲三京
招撫處置使時劉錡駐兵順昌府命光世爲援壬寅金
圍順昌府劉錡力戰敗之六月甲辰朔以韓世忠張
俊岳飛並兼河南北諸路招討使乙巳劉錡遣將閻充
戰敗金人于順昌之李村己酉吳璘遣將李師顏等戰
敗金人于扶風拔之壬子兀术及宋叛將孔彥舟鄆瓊

趙榮等率衆十餘萬攻順昌府劉錡率將士殊死戰初
秦檜奏命錡擇利班師錡不奉詔戰益力遂大敗之乙
卯順昌圍解兀术還丙辰岳飛將牛皋及金人戰于京
西敗之己未郭浩遣將鄭建充攻破金人于醴州復其
城壬戌樓炤父喪去位甲子撤離曷攻青谿嶺王彥率
兵戰敗之秦檜奏遣李若虛詣岳飛軍諭指班師飛不
聽庚午韓世忠遣將王勝成閔率兵至淮陽軍與金人
遇擊敗之是月岳飛領兵援劉錡與金人戰于蔡州敗
之復其城閏月癸酉朔張俊遣將宋超敗金人于永城
朱家村丙子金人犯涇州經略使田晟率兵來救金人

敗走甲申晟及金人再戰于涇州敗之金人引歸鳳翔
丙戌張俊遣將王德復宿州壬辰岳飛遣將張憲復潁
昌府丙申張憲復淮寧府丁酉郝最復鄧州李興復汝
州又復伊陽等八縣李成遁去韓世忠遣將王勝王權
復海州戊戌王德復亳州酈瓊及葛王袞遁去庚子趙
鼎連張潮州安置秋七月癸卯岳飛遣將張應韓清入
西京會李興復永安軍丙午以王次翁參知政事己酉
岳飛及兀术戰于郾城追至朱仙鎮大破之遣使修治
諸陵甲寅岳飛遣將楊再興王蘗等擊金人于小商橋
皆戰死乙卯金人攻潁昌岳飛遣將王貴姚政合兵力

戰敗之壬戌岳飛以累奉詔班師遂自郾城還軍皆潰
金人追之不及河南諸州郡復陷于金八月壬申朔以
張九成喻樗陳剛中凌景夏樊光遠毛叔度元璽等七
人嘗不主和議皆降黜之丁亥楊沂中自宿州夜襲柳
子鎮軍潰而歸金人屠宿州九月壬寅朔遣使諭韓世
忠罷兵時秦檜力主和議諸大帥皆還鎮戊申金人復
入西京庚戌大饗明堂大赦是秋知代州王忠植舉兵
復石代等十一州冬十月金人犯慶陽府胡世將命王
忠植赴援叛將趙惟清執之降于金忠植不屈死之
十一年春正月金人陷壽春府廬州商州相繼陷二月

癸酉邵隆破金人于洪門復南商已卯關師古等擊敗
金人復巢縣癸未王德田師中等擊破金人復含山縣
奪昭關劉錡自東關擊敗金人于青谿甲申金人復犯
昭關王德等又敗之李顯忠遣將崔臯擊敗金人于舒
城縣丁亥楊沂中劉錡等大敗兀术軍于拓臯己丑又
敗之乘勝逐北遂復廬州是月虔吉州盜賊悉平三月
甲辰張俊楊沂中劉錡議奉詔班師丁未金人陷濠州
鉛轄邵青死之戊申楊沂中王德入濠州遇伏敗績明
日韓世忠至亦不利而還壬子金人渡淮北歸甲子行
營統制張彥及金人遇于済陽之劉坊砦第八將張宏

戰沒夏四月己卯孫近罷提舉洞霄宮壬辰以韓世忠
張俊並爲樞密使岳飛爲樞密副使六月壬辰劉光世
罷爲萬壽觀使秋七月庚子以范同參知政事申寅劉
錡罷知荆南府八月戊辰立祚德廟于臨安祀韓厥程
嬰公孫杵臼甲戌岳飛罷爲萬壽觀使九月癸卯郢州
前軍副統制王俊告副都統制張憲謀據襄陽爲變張
俊收憲屬吏以聞辛亥吳璘拔秦州壬子楊政克隴州
郭浩復華州入陝州丙申吳璘又金人戰于劄家灣大
敗之遂圍臘家城癸亥吳璘受詔班師楊政郭浩皆引
軍還冬十月戊寅秦檜矯詔下岳飛張憲大理獄命御

史中丞何鑄大理卿周三畏鞠之壬午遣魏良臣等爲
金國禦議使癸巳韓世忠罷爲醴泉觀使是月金人陷
泗州楚州濠州十一月辛丑金帥兀术遣審議使蕭毅
等與魏良臣等偕來由是定和議乙卯以何鑄簽書樞
密院事遣使金奉誓表稱臣約以淮水中流畫疆割唐
鄧二州畀之歲奉金繪各二十五萬休兵息民各守境
上是月李光降秩藤州安置范同分司筠州居住張浚
自福建安撫大使加節鉞充萬壽觀使十二月丁卯貶
待制劉洪道柳州安置乙亥兀术遣何鑄等如會寧見
金主且趣割陝西餘地遂命周聿莫將鄭剛中分畫京

西唐鄧地界癸巳岳飛賜死于獄斬其子雲及張憲子市家屬徙廣南官屬於鵬等論罪有差

十二年春二月丁丑進封瑗爲普安郡王癸巳金主許歸梓宮及皇太后遣何鑄等還三月辛亥齊安王士懷坐黨岳飛貶建州居住夏四月甲子朔遣孟忠厚王次翁使金奉迎梓宮及兩宮丁卯皇太后偕梓宮發五國城金人遣使護送辛巳皇后邢氏崩計初至五月乙未遣審昭遠等賀金主生辰六月辛未貶王庶道州安置秋七月壬辰胡銓再貶新州編管八月辛酉朔兀术使來求商州及和尚方山二原丙寅何鑄罷提舉太平觀

甲戌以方俟為參知政事充金國報謝使壬午皇太后
韋氏至入居慈寧宮口丑徽宗及顯肅懿節二后梓宮
至帝易緹以迎奉安于龍德別宮是月鄭剛中分畫陝
西地界割商秦之半畀金存上津豐陽天水三縣及隴
西成紀餘地棄和尚方山二原以大散關爲界九月乙
未以孟忠厚爲樞密使壬寅大赦乙巳加秦檜太師封
魏國公丙午金使劉筭完顏宗表等入見戊申以王次
翁等充金國報謝使藏金國誓書于內侍省甲寅始遣
楊愿使金賀正旦冬十月乙丑始聽中外用樂丙寅權
欽徽宗皇帝及顯肅鄭皇后于會稽永固陵以懿節邢

皇后祔乙亥以陳克俊簽書樞密院事庚辰何鑄坐黨
岳飛貶徽州居住甲申皇太后生辰上壽于慈寧宮十
一月癸巳張俊罷爲醴泉觀使庚戌孟忠厚罷知建康
府十二月壬申秦檜上六曹寺監通用敕令格式

十三年春正月癸卯作太學二月辛巳祕書少監秦熺
修建炎以來日曆成乙酉建景靈宮三月己亥製鹵簿
儀仗乙巳建社稷壇丙午築圜丘振淮南饑民夏四月
癸亥頒鄉飲酒儀于郡國己丑立貴妃吳氏爲皇后乙
卯王次翁罷提舉洞霄宮五月甲子張九成坐黨趙鼎
貶南安軍居住丁丑天申節始上壽錫宴如故事六月

寅程克俊罷提舉洞霄宮庚戌金人遣洪皓張邵朱弁來歸秋七月甲子詔求遺書八月己亥遣鄭朴等使金賀正旦王師心等賀金主生辰庚戌詔監司守臣講求恤民事宜九月甲子洪皓出知饒州戊辰命諸路置敦宗院冬十月己丑秦檜上監學敕令格式庚寅製蓋天儀十一月庚申日南至合祀天地于圜丘以太祖太宗並配大赦十二月癸未朔日有食之雲陰不見秦檜率羣臣稱賀是月賜太師秦檜詔曰省所奏辭免生日賜宴朕聞賢聖之興必五百歲君臣之遇蓋亦千載是以不世出之賢值難逢之會則其始生之日可不爲王

下慶乎式燕樂衍所以示慶也非喬嶽之神無以生申
甫非宣王之能任賢無以致中興今日之事不亦臣主
俱榮哉宜服異恩毋守沖節所請宜不允金人遣使來
賀正旦自是正旦交遣使歲如之

十四年春二月丙午万俟太白以櫻炤簽書樞密
院事未幾罷三月丁卯避金太祖嫌名改岷州爲西和
州川陝宣撫司爲四川宣撫司己巳幸太學壬申解潛
坐黨趙鼎貶南安軍安置夏四月丁亥禁野史五月丙
辰帝以所作先聖七十二子贊及序文御書揭學宮序
曰朕自睦鄰息兵首開學校教養多士以遂忠良繼莘

太學廷見諸生濟濟在庭意甚嘉之因作文宣王贊機
政餘閒歷取顏回而下七十二人亦爲製贊用廣列聖
崇儒右文之聲復知師弟子間縱斧森森覃精繹思之
訓其於世道心庶幾焉乙丑以李文會簽書樞密院事
秋七月戊午金人殺王倫于河間丙子辛祕書省至右
文殿降輦頒手詔曰蓋聞周建外史掌三皇五帝之書
漢選諸儒定九流七略之奏文德之盛後世推焉仰惟
祖宗建開明府凡累朝名世之士由是以興而一代致
治之原蓋出於此朕嘉與學士大夫共宏斯道迺一新
史觀新御榜題肆從望幸之忱以示右文之意嗚呼士

習爲空言而不爲有用之學久矣爾其勉脩術業益勵
猷爲一德一心以共赴享嘉之會用不承我祖宗之大
訓顧不善歟九月壬申趙鼎移吉陽軍安置竟卒貶所
冬十月甲午以右正言何若言戒內外師儒之官黜伊
川程氏之學十一月癸酉李光移瓊州安置十二月己
卯命諸郡收養老疾貧乏之民復置漏澤園葬死而無
歸者丁酉李文會罷庚子以楊原簽書樞密院事是歲
閩浙大水振之楚州鹽城縣海水清交陞來貢金人遣
使來賀天申節自是生辰交遣使歲如之

十五年春正月丁未朔初御大慶殿行

月

己亥進封穀恩平郡王夏四月丙子朔賜秦檜第一區
戊寅彗星出東方丁亥大赦六月乙亥朔日有食之冬
十月丙子楊愿罷癸未以李若谷簽書樞密院事庚寅
以秦熺爲資政殿學士提舉萬壽觀兼侍讀恩數視執
政甲午以汪勃言折彥質黨趙鼎鼎敗柳州安置

十六年春正月壬辰行籍田禮詔曰朕惟兵興以來田
畝多荒故不憚卑躬與民休息今疆場罷警流徙復業
朕親耕籍田以先黎庶三推復進勞賜耆老嘉與世躋
於富厚昔漢文帝頻年下詔首推農事之本至於上下
給足減免田租光于史冊朕心庶幾焉咨爾中外當體

至懷二月辛丑割豐陽乾祐一縣畀金人三月庚午朔
建武學秋七月壬申張浚上疏論時事貶連州居住八
月辛丑築高禩壇九月甲戌復命何鑄等使金請國族
冬十月戊戌帝觀新作禮器于射殿撞景鐘奏新樂十
一月丙子合祀天地于圜丘大赦十二月戊戌彗出危
十七年春正月辛卯命州縣每三歲行鄉飲酒禮以貢
士壬辰以李若谷參知政事何若簽書樞密院事二月
辛酉李若谷罷尋貶江州居住三月乙亥何若罷官卯
以段拂參知政事夏四月己亥以汪勃簽書樞密院事
五月甲子詔舉賢良己巳洪皓忤秦檜貶英州居住冬

十月辛卯朔日有食之己未臨安府甘露降迄紹興甘
露降者三十一月丙寅秦檜上重修免役敕令格式是
歲四川宣撫副使鄭剛中忤秦檜貶桂陽監居住

十八年春二月乙未段拂罷尋貶興國軍居住夏四月
戊子朔日有食之五月癸未李顯忠坐獻策恢復貶台
州居住是月徽州慶雲見秋八月丙申汪勃罷丁酉以
詹大方簽書樞密院事未幾卒是月貶辛道宗房州羈
管冬十月丙辰以余堯弼簽書樞密院事十一月己亥
胡銓移吉陽軍編管壬寅鄭剛中再貶復州安置是歲
浙東西淮南江東饑振之

十九年春正月甲申朔以皇太后壽七十詣慈寧殿行慶禮三月癸未朔日有食之甲辰鄭剛中移封州安置子良嗣等除名編管剛中竟卒貶所冬十月己未湖南副總管辛永宗貶肇慶府編管十一月壬辰合祀天地于園丘大赦十二月丁巳金宗室亮弑其主亶自立二十年春正月丁亥秦檜入朝殿前司軍士施全道刺之不中壬辰磔全于市三月癸未以余堯弼參知政事巫伋簽書樞密院事內申李光坐私史譏謗詔遇赦永不檢舉子孟堅竄峽州胡寅程瑀潘良貴張燾等八人緣坐降黜有差戊戌詔改正經界法之厲民者夏四月

癸酉置力田科秋九月甲申太常主簿吳元美坐譏毀
大臣貶容州編管冬十月戊辰右迪功郎安誠坐文字
謗訕貶惠州編管庚午秦檜有疾命執政赴檜第議事
十二月甲子命秦檜肩輿入朝二孫扶掖升殿不拜
二十一年春二月乙卯詔諸州置惠民局壬戌遣巫役
等使金請歸淵聖皇帝及皇族等事所請皆不從秋七
月辛亥罷薪木稅八月辛未秦檜上重修諸路茶鹽法
冬十一月庚戌余堯弼罷提舉洞霄宮乙卯命提舉常
平官修陂湖是年朝散郎王揚英上書薦秦熺爲相
二十二年春三月丁酉編管王庶二子之奇之荀於遠

州甲辰直龍圖閣葉三省監都作院王遠坐黨王庶趙
鼎各貶寧南王已籍福建路寺觀絕產王宅入官歲入錢
三十四萬繙夏四月丙子巫伋罷辛巳以章復簽書樞
密院事秋九月癸丑章復罷冬十月甲戌以宋樸簽書樞
密院事庚辰以黃巖縣令楊煒誹謗貶萬安軍編管
知台州蕭振貶池州居住十一月戊申合祀天地于園
丘大赦丁巳立薦舉受財刑名是年虔州軍卒齊述殺
統制吳進同統領馬晟據州叛命將李耕等討平之
二十三年春二月辛未改虔州爲贛州秋九月庚子以
廷臣言禁採鹿胎冬十月戊辰宋樸罷提舉洞霄宮壬

申以史才簽書樞密院事十一月乙丑以經筵敘帙賜
宰執講讀等官宴于祕書省遂爲故事是歲潼川路及
平江府湖秀二州大水振之金主亮徙都燕京

二十四年夏五月癸丑朔日有食之六月癸巳史才罷
提舉洞霄宮甲午以魏師遼簽書樞密院事秋八月壬
辰禁百官避輪對甲午罷溫州市黃柑福州貢荔枝冬
十月壬午蠲旱傷州縣租賦十一月乙丑魏師遼罷丁
卯以施鉅參知政事鄭仲熊簽書樞密院事戊辰秦熺
封嘉國公是月通判武岡軍方疇坐通書胡銓貶永州
編管十二月丙戌毀程瑀論語解刻板鋗其子孫知饒

州洪興祖京西轉運副使魏安行並緣坐遠竄壬寅刺
諸路編管人充廂軍是歲楊再興復寇邊前軍統制李
道討平之南丹州蠻莫公晟及宜州界外諸蠻內附羅
殿西南蕃來貢

二十五年春二月壬寅通判常州沈長卿仁和縣尉芮
燁以作詩譏訕除名編管夏四月乙酉施鉅罷提舉太
平興國宮五月丁未朔日有食之癸丑宗室令衿忤秦
檜貶汀州居住六月庚辰鄭仲熊罷辛巳以湯思退簽
書樞密院事癸卯言者追譖岳飛改岳州爲紳州岳陽
軍爲華容軍秋七月甲戌進封李天祚爲南平王八月

辛巳命大理鞫趙汾及令衿交通獄丙戌以董德元參
知政事冬十月乙酉命大理鞫張祈附麗胡寔獄乙未
幸秦檜第問疾檜諷右司員外郎林一飛臺諫徐嘉張
扶等請拜嬉爲相帝不聽丙申進封檜建康郡王嬉爲
少師並致仕是夕檜卒丁酉檜姻黨知臨安府曹泳貶
新州安置朱敦儒薛仲邕王彥傅杜思旦皆罷辛丑徐
嘉張扶坐黨秦檜能言職十二月壬子以魏良臣參知
政事癸亥合祀天地于圜丘大赦乙丑復洪皓官釋張
祈獄庚午詔監司郡守事無巨細須奏聞裁決毋得止
上尚書省辛未知建康府王會及列郡守臣王珦王鑄

鄭僑年鄭襄方滋俱以諂附貪冒罷王會尋徙循州編管十二月甲戌朔詔曰臺諫風憲之地比用非其人黨於大臣濟其喜怒殊非耳目之寄朕今親除公正之士以革前弊繼此者宜盡心乃職母合黨締交敗亂成法當謹茲戒毋自貽咎詔聽張浚折彥質方俟禹段拂各自便李光量移郴州壬午詔前後告訐者莫沒汪召錫陸升之等九人除名廣南編管甲申命胡宿張九成等二十八人並令自便仍復其官乙酉董德元罷提舉太平興國宮甲午以沈該參知政事丙申復張浚折彥質趙汾葉三省王趯劉岑官移胡銓衡州丁酉禁閩浙川

廣賈眞珠文犀是歲交趾貢羅斛來貢

二十六年春正月壬子省諸州稅場以寬商賈甲子追復趙鼎孫近鄭剛中汪藻舊職二月乙酉進士林東上書追詔秦檜送英州編管右朝奉郎林一飛坐指使林東責監高州鹽稅辛卯魏良臣罷知紹興府庚子左朝散大夫王曠直徽猷閣呂惠中坐黨秦檜各貶竄三月甲寅以邊事定罷宰相兼領樞密使己未以万俟詒參知政事乙丑進士梁勛伏闕上書言北事送遠州編管丙寅詔曰講和之策斷自朕志秦檜但能贊朕而已豈以其存亡而渝定議耶近者無知之輩鼓唱浮言以惑

衆聽至有僞撰詔命召用舊臣抗章公車妄議邊事朕
甚駭之自今有此當重寘典憲夏四月戊戌罷鄉飲酒
舉士法五月壬寅以沈該爲尚書左僕射方俟齒爲尚
書右僕射並同中書門下平章事湯思退知樞密院事
六月丁丑以程克俊參知政事乙酉詔取士母拘程頤
王安石一家之說辛卯以秦檜父子所修日曆失實命
史館重修秋七月丁未彗出井辛未雨水銀八月戊寅
革正前舉登第秦熗呂鳴等九人出身辛卯程克俊罷
甲午以張綱參知政事九月乙巳以陳誠之同知樞密
院事丙午立互易薦舉坐罪法冬十月己巳朔詔秦檜

在位之日無辜被罪者許自陳釐正乙未以宋貺黨附
秦檜貶梅州安置丁酉以張浚上書論用兵依舊永州
居住是歲交趾三佛齊來貢

二十七年春二月戊午以湯鵬舉參知政事三月丁亥
詔焚交趾所貢翠羽于通衢辛卯右僕射方侯禹卒夏
六月戊申以湯思退爲尚書右僕射同中書門下平章
事秋八月乙未以湯鵬舉知樞密院事九月癸酉張綱
罷知婺州戊寅以陳康伯參知政事丁亥以校書郎葉
謙亨言詔禮官酌景德故事定祭祀之式爲書曰紹興
正祠錄冬十一月丁亥湯鵬舉罷提舉洞霄宮十二月

甲午詔廣南經略市舶司審番商假託入貢是歲西川旱饑振之

二十八年春二月丙申以陳誠之知樞密院事乙巳以王綸同知樞密院事己酉詔詳定差役舊法三月辛酉朔日有食之戊子貶秦檜黨宋樸沈虛中遠州居住夏六月辛卯詔遣醫診臨安府城內外病民給秋八月已丑蠲災傷州軍苛稅仍振貸饑民九月庚辰以王剛中爲四川安撫制置使冬十一月己卯合祀天地于圜丘大赦十二月丁未復李光官放自便是冬帝作損齋爲燕居之所曰治道貴清淨宜恬淡寡欲清心省事

二十九年春正月丙辰朔以皇太后年八十詣慈寧殿行慶壽禮二月甲寅詔貶死臣僚議加恩三月丁丑詔侍從臺諫帥臣監司歲舉可任將帥者二人夏四月壬辰國子司業黃中使金還言金人將徙居汴京以見逼望早飭邊備宰相怒不聽六月甲申朔遣王綸等爲金國奉表稱謝使丙申陳誠之罷己酉沈該以貪冒罷提舉洞霄宮尋奪職致仕秋七月丁亥以賀允中參知政事九月乙酉王綸使金還入見言金國和好無他明日湯思退等稱賀甲午以湯思退爲尚書左僕射陳康伯爲尚書右僕射並同中書門下平章事庚子皇太后韋

氏崩冬十一月丙午櫬攢顯仁韋皇后于永祐陵十二
月辛未以王綸知樞密院事是歲湖秀諸州饑振之
三十年春正月丙申以葉義問同知樞密院事二月癸
酉詔立普安郡王瑗爲皇子更名瑋尋進封建王夏六
月庚午王綸罷知福州秋七月戊戌以葉義問知樞密
院事周麟之同知樞密院事朱倬參知政事八月丙午
朔日有食之壬子賀允中使金還言金人必畔盟寧爲
之備明日允中致仕壬申淮東總管許世安奏金主亮
至汴京起軍兵五十餘萬屯宿州謀來攻冬十二月
乙巳湯思退罷提舉太平興國宮初行會于千東南

三十一年春正月甲戌朔以日食不受朝太史言竟不
驗丁亥夜風雷雨雪亦作三月壬午以楊椿參知政事
丁亥奪秦熺贈官及遺表恩賞庚寅以陳康伯爲尚書
左僕射朱倬爲尚書右僕射並同中書門下平章事夏
四月辛未遣周麟之使金賀遷都五月戊寅詔知襄陽
吳拱視緩急退守荆南辛卯天申節金使高景山王全
來全揚言無禮致其主亮語求淮漢地及指取將相近
臣計事且以欽宗皇帝計聞甲午詔以王全語諭諸路
統制帥守監司隨宜應變毋失機會是日爲欽宗皇帝
發喪乙未以吳璘爲四川宣撫使仍命王剛中同處置

軍事丙申命主管馬軍司戍閔部兵三萬人戍鄂州庚子殿中侍御史陳俊卿以內侍張去爲陰沮用兵乞斬之以作士氣帝嘉納之六月乙卯以劉鑄爲淮南江東西浙西制置使庚申彗出角乙丑放女樂二百餘人秋七月戊子周麟之坐辭使事貶筠州居住是月金主亮徙都汴京分命諸將劉蕡等由唐鄧瞰荆襄由秦鳳窺巴蜀由海道趨兩浙八月辛丑朔忠義人魏勝復海州總管李寶承制以勝知州事丁未以婉容劉氏妄預國政沮用兵廢于家辛亥幸醫昭慶軍承宣使王繼先坐婉容事貶福州居住并停子孫官籍其貲乙卯劉鑄引

兵屯揚州遣統制王剛中以兵五千屯寶應丁巳以吳
拱爲鄂州諸軍都統制己巳起復成閔爲湖北江西制
置使節制兩路軍馬九月辛未宗祀徽宗于明堂以配
上帝大赦甲戌金人犯黃牛堡及大散關吳璘遣將敗
之庚辰以黃祖舜同知樞密院事乙酉詔劉錡王權李
顯忠戚方備清河賴河濶河口丁亥博州民王友直起
兵復大名遣使入朝奏事未幾來歸以爲忠義都統制
是月金主亮造浮梁于淮水之上遂自將來攻兵號百
萬遠近大震冬十月庚子朔詔將親征辛丑金人自濶
口渡淮癸卯以吳璘兼陝西河東招討使劉錡兼京東

河北東路招討使成閔兼京西河北西路招討使李顯忠遣將孔福與金人戰于大人洲敗之丁未傳檄遼夏高麗渤海諸國及河北河東陝西京東河南諸路諭出師共討金人是日金人立宗室雍爲帝戊申劉錡將王權棄廬州遁軍潰于昭關甲寅劉錡遣兵渡淮及金人戰大敗乙卯劉錡聞王權遁自淮陰引兵歸揚州丙辰金主亮入廬州丁巳帝聞王權敗召將相大臣議于內殿陳康伯贊親征戊午命吳璘趣出兵漢中葉義問督視江淮軍馬虞允文參謀軍事金人犯真州步軍司統制邵宏淵逆戰于胥浦橋兵敗真州陷金人不入城遂

犯揚州庚申王權自和州遁歸屯于東采石明日金人陷和州癸亥金人入揚州甲子復張浚觀文殿大學士判潭州吳璘遣統制吳挺向起等及金人戰于德順軍敗之乙丑金人趨瓜州劉錡遣統領旨琦拒之于阜角林大敗之斬其統軍高景山丙寅李寶遇金舟師于膠西縣陳家島大敗之斬其將完顏鄭家奴等五人劉錡以疾還鎮江戊辰殿中侍御史杜莘老劾內侍張去爲帝不悅去爲致仕莘老予郡十一月壬申以張浚判建康府召王權還以李顯忠代之金人犯瓜州鎮江中軍統制劉汜敗走權都統制李橫亦遁金人鐵騎奄至江

上統制魏俊王方死之葉義問惶怖趨建康乙亥金主
亮臨江築壇刑馬祭天期以翌日南渡丙子虞允文督
建康諸軍統制官張振王琪時俊戴臯等以舟師拒金
主亮于東采石戰勝却之丁丑虞允文遣水軍統制盛
新以舟師擊金人于楊林河口又敗之金主亮焚其舟
而去乙酉貶劉汜英州編管丁亥劉錡以疾罷己丑貶
王權瓊州編管癸巳以成閔爲淮北泗宿州招討使李
顯忠爲淮北壽亳州招討使吳拱爲京西北路招討使
乙未金人陷泰州是日金人弑其主亮于揚州龜山寺
戊戌金都督府遣使詣鎮江軍中議和十二月庚子楊

存中及虞允文渡江至瓜州察金兵金人犯漢南之次
湖鄂州軍士史俊登其舟獲一將諸軍繼進遂擊却之
楊椿夜攻金人殺其帥高定止復廬州戊申帝如建康
建王從行庚戌金人渡淮北去壬戌曲赦新復州軍是
月金主雍知亮被弑趨燕京

三十二年春正月戊辰朔日有食之帝在鎮江府己巳
金人犯壽春府忠義將劉泰戰死金兵引去壬申帝至
建康府是月山東忠義耿京起兵復東平府遣其將賈
瑞掌書記辛棄疾來奏事詔以京爲天平軍節度使知
東平府二月戊戌以虞允文爲兵部尚書川陝宣諭使

乙卯帝還臨安閏月癸未金人犯虢州吳璘遣將楊從儀等攻拔大散關分兵據和尚原金人走寶雞辛卯楊椿罷是月耿京將張安國殺京降于金李寶將王世隆攻破安國執送臨安斬之三月癸丑金人圍淮寧府守臣陳亨祖死之是月高麗求入貢詔却之夏四月戊寅以汪澈參知政事戊子遣洪邁等使金報聘書用敵國禮五月戊戌姚仲遣兵救原州數敗金人壬寅姚仲及金人戰于原州北嶺敗績辛亥都統制張玘張子蓋率兵救海州遇金人于石湫坂大敗之玘戰死金人解去甲寅命張浚專一措置兩淮事務兼節制州郡軍馬甲

子立建王璋爲皇太子更名睿詔曰朕以不德躬履艱
難三十有六年憂勞萬機宵旰靡怠屬時多故未能雍
容釋負退養壽康今邊鄙粗寧可遂如志皇子毓德允
成神器有託朕心庶幾可立爲皇太子仍改名所司擇
日備禮冊命以成閔主管殿前司李顯忠主管馬軍司
六月庚午以吳拱主管步軍司罷三招討司以金人議
和也乙亥朱倬罷提舉太平興國宮丙子禪位皇太子
居德壽宮在位三十六年皇太子旣卽位上尊號曰光
堯壽聖太上皇帝乾道六年加上尊號曰光堯壽聖憲
天體道淳熙二年加性仁誠德經武緯文十二年復加

紹業興統明謨盛烈十四年十月乙亥崩年八十一
五年三月上尊諡曰聖神武文憲孝皇帝廟號高宗紹
熙二年加今諡

論曰靖康元年之禍宋族胥亡獨高宗以親王出質脫
虎口非天欲延趙氏祀俾中興耶顧猶迫於敵鋒播奔
而南無異泛梗竟定都浙西棄天下之半與仇爲和何
其巽懦不自振也昔周平王避戎狄難東徙雒邑事與
帝同然平王能保疆土信攘却之威寔惟秦藩屏是賴
帝興復之策曾不出此乃幸安一隅黜李綱以緣患誅
岳飛以速就和議蓋帝志則然宜權姦之獲售也曷曰

裕父之靈往未得也其帝之謂乎

宋史新編卷十